

KERATAN AKHBAR

(Bahagian Canselori)

Surat khabar: Utusan Borneo (Tempatan)

Hari/Tarikh: 24/6/2016

Muka surat: 15

Tajuk : UNIMAS agih 500 bungkus bubur lambuk kepada pelajar, kakitangan

UNIMAS agih 500 bungkus bubur lambuk kepada pelajar, kakitangan

KOTASAMARAHAN: Universiti Malaysia Sarawak (UNIMAS) mengagihkan 500 bungkus bubur lambuk kepada pelajar dan kakitangannya pada Program Bubur Lambuk sempena bulan Ramadan semalam.

Program memasak bubur lambuk yang diadakan di Laman Nona Aras LG, Bangunan Hal Ehwal Pelajar dan Almuni (HEPA) itu dibuat secara gotong-royong oleh kakitangan HEPA.

Tujuan penganjuran program itu bagi mengimarahkan bulan Ramadan dan mengeratkan persaudaraan di kalangan staf.

Selain itu, melalui aktiviti seperti itu, ia dapat menggalakkan semangat gotong-royong serta menyemarakkan amalan bersedekaah.



REZEKI RAMADAN: Mohd Fadzil mengagihkan bubur lambuk kepada pelajar UNIMAS, semalam.

Malah penganjuran program tersebut kali ini memberi kelainan dengan menambah menu bubur pedas dan dodol.

Majlis turut diserikan lagi dengan Pertandingan Mangan-yam Ketupat dan Pertandingan

Menghias Pejabat yang disertai oleh kakitangan HEPA.

Penyampaian hadiah kepada pemenang disampaikan oleh Timbalan Naib Canselor Hal Ehwal Pelajar dan Alumni UNIMAS Prof Mohd Fadzil Abd Rahman.